

Wie mach myt my alsoe vaderlick ende.  
barmhertelick medeliden hebn / of wie  
is alsoe bereyt toe alle mijn salichheit  
alstu die droncken biste ghewest om my  
myt alre bitterh<sup>t</sup> Daer omme begheert  
seer mijn onsalighe siele dat sie ghetus-  
set mach worden myt dat cussen dints  
eghenen mundes Daer om bidde ick o  
lieue here Jesu chre doer dijn ~~gh~~ glorio-  
se verrisenisse dattu huden wt doen wil-  
ste in mijn herte alle onnutte en hinder-  
like mynne En dat ick gheen eertsche  
troest moet hebn op dat ick in dinnre  
alre suetster mynnen mach hebn vulcoe-  
men mynne ende blischap Com ghe-  
schutte der mynnen. Com loff en glorie  
des hemelschen palases Com com in  
wes bynnensten mijn ghehoechnisse is  
ghescreuen Wie mach weerdeliker of  
ghetruwelik wt doen alle mijn sunde  
dan du o guede Jesu wen mijn siele al-  
lene ghelaten is My omme begheert